



Комсомолю Вайгяль

Сембе масторонь прелетарияне, пурмода марс!

ЛИСЕНДИ VIII-це КИЗОСЬ

ВЛКСМ-нь Мордовский
обкомъ и Саранский
горкомъ газетасна.

Адресъ: г. Саранск, Советская ул.,
Дом печати, Телефон № 1—60.

ПИТНЕЦ 5 тр.



ЛИСЕНДИ КОВТИ 12-ксть

Отчетно-выборный собраниянь васенце шитне

ВЛКСМ-нь ЦК-ть постановлени-
яниц коряс сентябрь 1-це шистон-
за первичнай комсомольский орга-
низациява ушедсть руководящей
комсомольский органонь кочкамат-
не.

Тя пяк важнай и существеннай
мероприятиясь арси оцю событи-
якс ленинско-сталинский комсо-
моль эряфса.

Руководящей комсомольский ор-
ганонь кочкаматненди Мордовиянь
комсомольский организациясь сась
оцю сатфкс мархта—кеподсь ком-
сомоль роль государственной и
хозяйственной строительства, ке-
подсь активностей, сась сонь ря-
дозонза аф фкя сяда стажановец,
ударник, конат кеподезь сядонга
вари од ломаттнен и комсомоле-
ченъ творческий инициативаснон.

Республиканьконь сембе район-
зон эзга ушедсть кочкаматне. Ва-
сенце кафта шитненъ эзда няеви,
конашкава оцю активность мархта
йотнихть отчетно-выборный комсо-
мольский собраниятне. Од комсо-
мольчене, активистне критикован-
дайхть аф сатыксненъ, кочксихть
руководящей оргаттненди прове-
реннай, инициативнай, энергичнай
комсомолецт и комсомолкат.

Торбееваса васенце шить эзда
вете организацияста ниле организа-
цияса секретарькс кочкафт стир-
нят.

Активнайста йотнихть комсо-
мольский собраниятне Лямбирский
и Чамзинский райоттненъ эса, ко-
са комсомольчене пяк организован-
найста, активнайста крити-
ка и самокритика ала йотафнесазь
отчетно-выборный собранияснон.
Аф калдяв активностейна Лад-
ский райононь комсомольчененъ. Ва-
сенце шить эзда 9 организацияста
выступандась пренияса 44 ломань.

Рядсок нят сатфксненъ мархта
кой-кона районга улихть нолдафт
грубай нарушеният, конат молихть
в разрез ВЛКСМ-нь ЦК-ть инст-
рукцияты. Тяфта, например,
Рыбкинань районца кафта организа-
цияса сязьфть комсомольский соб-
раниятне, а Ефановский НСШ-нь
организацияса Барзовсь (ВЛКСМ-нь
РК-ть секретаренц заместителец)
нарушандазе инструкциять, тайнай
голосованияса чокхась комитетти
секретарь. Ардатовань районца
фкя организацияса собраниясь ся-
зевсь сяс, мес изь са ВЛКСМ-нь
РК-ть представитель, а омбоцеть
эса—сяс, мес истъ пуром комсомо-
лечне.

Тяфтама случайхть улихть Мель-
цанонь и лия райоттненъ эсовок.
Райкомонь секретарьхненди эряви
мяляфтомс, што графикть наруше-
нияниц инкса кармаихть отвечама
васендакиге синць секретарьхне, а
тянкаса максимум эряви исполь-
зовандамс максф срокть и аф нол-
дамс фкявок срыф и инструкциянь
нарушения.

Руководящей органонь кочка-
матненъ мархта сядонга вари эря-
ви кеподемс производственной дис-
циплина, йотафнемок эряфс
СССР-нь Верховнай Советть Ука-
зовиц.



СНИМКАСА: МЮД-ть праздновандамац Саранск ошса.

Фотось В. Ивенинтъ.

Од ломанень праздникись Саранскийса

Сентябрь 1-це шит тунданъ
шинь кондыма прокс пяк мани и
радостнай. Ошсь наряджаф якстерь
флакса, Сталин ялгать и сонъ
соратниконзон портретса, лозунк-
са и плакатаса.

Пингсь шашнесь 11-це часттне-
ди. Школатненъ инголе праздни-
най шамса шаф-каряф ученикне
анокласть прядемонстрацияв. Синь
ульсть пяк веселят и радостнайхть.
Тоса аф лама пингонъ йотазь
ушедсь демонстрациясь, коса при-
мась участия 20 тьожаньшка стир-
ня и юноша.

Колоннатненъ ингольце рядсна
кандсть якстерь знамят, вождтненъ
портретсон, физкультурнай и
обороннай значоконъ эмблемат и
ст. тов.

Ошсь гайнясь советский весе-
лай и радостнай мороса. Сембе
ульцятненъ келес гайняй музы-
канъ радостнай увфсь.

Демонстрантненъ приветство-
вандайхть ВКП(б)-нь обкомъ и
горкомъ секретаренза, прави-
тельстванъ четтне, МАССР-нь
Верховнай Советть депутатонза.

Вов йотай Мордовский госу-
дарственной пединститутонъ сту-
дентонъ и преподавателенъ колон-
нась, кона ульсь сембодонга пяк
цебарьста наряджаф. Синь мельгаст
молихть нефтема лавинакс Саран-
ский ошень рабочайнъ и трудя-
щайнъ од ломаттне, демонстриро-
вандайхть аноклаф шиснон отлич-
ва работамс и тонафнемс.

Кода йотафтоськ 26-це МЮД-ть

3-Поляннъ ВЛКСМ-нь рай-
комсь Международнай Юношес-
кий шити анокламать нинге уше-
дое августъ 15-це шистонза.

ВЛКСМ-нь райкомонъ культурно-
массовой тевонъ комиссиять руко-
водстванц вельде райононъ сембе
первичнай комсомольский органи-
зациятненъ эзга августъ 31-це ши-
стонза 26-це МЮД-ть честь йота-
фотт торжественнай собраният,
конатненъ эса тифт обстоятельной
доклатт международнай од лoma-
ненъ революционной движенияхъ
колга.

Сентябрь 1-це шистонза рай-
центра ульсь массовой демон-
страция. Демонстрацияда меле
ульсть организовандафт волей-
больнай валхксемат. Тяда башка
ульсь максф футбольнай матч, ко-
нанъ эса примась участия Ширин-
гуский идень сборнай командась
и Зубунъ средняй школанъ коман-
дась. Матчсь аделавсь 9:3 3-По-
ляннъ средняй школанъ командать
пользас. Юношеский международ-
най праздникись 3-Поляннъ рай-
онца шарфтовсь од ломанень мас-
совой гуляниянь праздникикс.

Кондратьев.

Васень шитне школаса

Организованнайста ушедсть за-
нятиятне 3-Поляннъ педучили-
щаса. Сембе ученикне, кода фкя,
эвождасть занятиянь васенце шить
эзда школас.

— Цебарьста ваймамда меле,—

корхтай Колесникова ученицась,—
минь пуроптоме лама вийдаи кар-
матама тонафнема аныцек цебарь
и отличнай оценка мархта.

И. Паршин.

Якстерь Армияв очередной
призывть колга СССР-нь
Оборонань Народнай
Комиссарть 293-це №

ПРИКАЗОЦ

Моску ош, 1940-це кизонъ
сентябрь 3-це шистонза

Всеобщай воинский обязанность
колга законть соответствиясь при-
казываю:

1. Терьдемс действительнай
воинский службас Якстерь Армияв,
Военно-Морской Флоту, СССР-нь
НКВД-ть пограничной и внутрен-
ней войсказонлы 1940-це кизонъ
сентябрь 15-це шистонза сявомок
октябрь 10-це шинцты модемс:

а) 1920-це кизоня шафф граж-
даттненъ;

б) граждантненъ, конат шачсть
1921-це кизонъ январь 1-це ши-
стонза сявомок августъ 31-це
шинцты модемс пингть
эзда;

в) средняй образования мархта
граждаттненъ, конат шачсть 1921
и 1922-це кизотненъ эзда;

г) старшай возрастонъ граждан-
тненъ, конат инголе призывть эз-
да пользовандасть отсрочкаса.

2. 1910-це кизонъ шафф граждан-
тненъ, конат инголе пользован-
дасть отсрочкаса, призывть эзда
освободивдамс и перечислить 2-це
категориянь запаста.

СССР-нь Оборонань Народнай
Комиссарь Советский Союзонъ
Маршалъ С. ТИМОШЕНКО.

Якстерь Армиянь и НКВД-нь
войскактненъ рядста
военнослужащихненъ
увольненияснон колга, конат
аделазь установленнай
действительнай службанъ
срокть

СССР-нь ОБОРОНАНЬ
НАРОДНАЙ КОМИССАРТЬ
292-це №

ПРИКАЗОЦ

Моску ош, 1940-це кизонъ
сентябрь 3-це шистонза

Всеобщай воинский обязанность
колга законть соответствиясь при-
казываю:

1. Уволить Якстерь Армиянь,
СССР-нь НКВД-нь пограничной и
внутренней войскаснон рядста
васенце категориянь запаста
рядовой и младшай начальствую-
щай составъ, конат аделазь ус-
тановленной действительнай воен-
най службанъ срокть.

2. Приказъ объявить сембе ро-
татненъ, эскадроттненъ, батареят-
ненъ, командатненъ, отряттненъ и
дивизиятненъ эзга.

СССР-нь Оборонань Народнай
Комиссарь Советский Союзонъ
Маршалъ С. ТИМОШЕНКО.

СЕНТЯБРЬ 1-це ШИСТОНЗА ПЕРВИЧНАЙ КОМСОМОЛЬСКОЙ ОРГАНИЗАЦИЯВА УШЕДСТЬ РУКОВОДЯЩАЙ КОМСОМОЛЬСКОЙ ОРГАНОНЬ КОЧКАМАТНЕ

Секретарькс кочкафт стирнят

Сентябрь 1-це шинь эзда республикасонк ушедсть первичнай комсомольской организациява руководящей комсомольской органонь кочкамактне.

Торбеевский районца сентябрь 1-це шинь эзда йотасть кочкамакт вете организацияса. Сембе нят ветичке организационень эса кочкафт секретарькс од комсомолетт, конат састь активти ВЛКСМ-нь ЦК-ть XI пленумонц решениядонза меле.

Райбольница, коса инголе ульсь комитетонь секретарькс Елисеевсь, кочкафт секретарькс активнай комсомолкась Никулинковась, членкс Шевеловась и ст. т. Комсомолетне и комсомолкатне пях кемоста критиковандаз ингольден секретарь Елисеев работанц. Никулинкова комсомолкась эсь выступлениясонза азозе:

— Елисеевсь тейнек ашезь макссе порученияне. Собранияне йотнесть аф планц коря и аф аноклафста. Труддисциплина калга Указсь комсомолетнен йоткса тонафт аф сатомшкаста. Тя нявисянь эзда, што комсомолкась Гаврилкинась тись прогул, но Елисеевсь кодамовок мерат ашезь примсе прогульщицать каршес.

Активнайста йотасть собраниясь райфонь комсомольской организацияса. Тя комсомольской организациясь эса ВЛКСМ-нь ЦК-ть XI пленумонц решенияда меле активти састь комсомолетне — Коротинць, Березовскаясь, Филясовась и лият. Березовская комсомолкась ащи членкс РК-нь культ-массовой комиссиса, Коротинць военно-физкультурнай комсисиясь эса и аф калдывста пашкоткшнесазь максф тейст поручениятень.

Тайнай голосованиясь секретарькс кочкафт Гусевась, а заместителькс Корвин.

Краснов.

Отчетно-выборная собранияста

Центральной сберегательнай кассань комсомолетне сембе цебарьста содазь, што сентябрь 2-це шистонза 19 частса илять ули отчетно-выборная собрания, но аф ваномок тянь лангс, комсомолетнен ламошксна собрания азф пингт ашесть са.

Отчетно-выборная собранияса ванфтольхть кафта кизефкт: 1) ВЛКСМ-нь комитетть отчетнай докладонц и 2) од комитетть составс членонь и ошень комсомольской конференцияв делегатонь кочкамасть.

ВЛКСМ-нь комитетть отчетнай периодть пингста деятельности колга доклад тись комитетть секретарькс Васильева ялгась, конат эсь докладонц тиезе аф самокритичнайста, одностороннейста, комсомольской организациясь кипучай эряфонц эзда оторваннайста. Сон эсь докладсонза вакса йотазень комсомольской организациясь инь актуальной кизефксонзон, кода, ВЛКСМ-нь ЦК-ть XI-це пленумонц решениязон пашкодемаснон, комсомолетнен производственной квалификациясон кеподемаснон и стак тов.

Докладть и докладчикти кизефксонь максомать аделамда меле ушедсть пренияне.

Пренияса корхтай ялгатне (Жучков, Старостин) няфтезь, што комсомолонь комитетсь и сонь

секретарькс Васильевась йофси ашесть тюрь комсомолетнен идейно-политический уровеньон и синь активностсон кеподемаса. Кода правила, комсомолетненди максф порученияне афольхть пашкоткшнев, а комитетсь тянь лангс ванондсь равнодушнайста.

Отчетно-выборная собранияса кржа корхтафоль комсомольской и трудовой дисциплина калга. А тя важнейшая кизефкт эса ульсь мезень колга корхтамс.

Тяса улихть комсомолетт, конат пях грубайста нарушандакшнесазь комсомольской и государственной дисциплина. Тяфтамкс, например, лувондовихть Васильевась, Чудайкинась, Грижибовскаясь и Калядинась, конатнен эзда кафта мекольцетне судендафт и паньфть комсомолста.

Отчетно-выборная собраниясь комитетть докладонц коряс примась решения, конат од комитетти ащи действиянь программас, наказкс. Собраниясь ингольден комитетть работанц лувозе аф удовлетворительнайкс.

Комсомолетне комитетонь членкс кочкасть инь цебарь общественникнен, отличнай производственникнен Мельникова, Чикина и Мельников ялгатнень.

Дм. Родин.

Саранск ош.

Осенний испытаниятнен итоксна

Саранск ош. 12-це № средний школань дирекциясь оцю работа йотасть школаса второгдничества машфтома тевса.

Ученикнен ламошксна, кода: Удачновась, Макаровсь, Ефимовсь, Дыдыкс, Федотовась и лама лиятне осенний испытаниятнен максозь и йотасть лия класс.

Но сави азомс, што школаса цебарь кепоткшнев шовор улихть

калдыв фактка. Например, Романовась, Лаптевсь, Спицынць, Мячковась и лиятне йотафнеф занятиясь исть яксе, мезень сюнеда синь илять второгдничокс. А ученикне: Данилочкинась, Ермаковсь, Крысинць и Пискуновсь сьоксень испытаниятнен кирьдемста няфтсть калдыв результатт, и катфт сяка классу.

А. Н. Теняев.

КЛАССА

Сентябрь 2-це шиц. Шудавась ульсь эше, но пях сетьме и радостнай. Акшунфнень и плодовой шифтнень преста пингонь йотазь мелавнякс шарозь прашендсть туже лопанятне, конат макссесть содамс, што састь сёксень шитне.

Пингсь ульсь рана. Ашель нинге 7 частт, но праздничнайста наряжаф идиятне, конатнен кргаса крфасть якстерь галстукне, всяласта жалнасть ни 13-це № школа инголе.

Састь од тонафнема кизонь васень шитне. Радной школась тага васьфтезень сире знакомайхнен. Озсемок ряцеконя школань крилець лангс, ученикне фкяфкянди кенярьдезь азонць кинь аляц мезе кинди рамась.

— Монь алязе рамась тейне од портфель!

— Монь—од пенал и акварельнай краскат.

— А монь тядязе рамась од атлас.

Но вов цингоргодсь школьной звоноксь, конат тердсь шабатнень цебарьста наряжаф, чистой и уютнай классненди.

Панжевсь кенькшсь. Сембе шабатне, конат озсефт од партатнен эшкс, дружнайста стясть и фкя вайгяльса иваць:

— Шумбрат, Екатерина Василь-

евна!

— Шумбрат, шабаня!—отвечась Екатерина Васильевна Антипова учительница.

— Тя урокста, шабат, ушедсаськ географиять.—Голубой задумчивай сельмоса варжаксть шабатнен лангс Екатерина Васильевна.

Сон, кода мяргат седи вакса идень кельги тядя, конат аф азомшка пях приветливайста обрацадай итнень мархта. Итневоксонь кельгсазь кода эсь тядяснон.

— Грунюшкина Манясь сейчас лиси картать тейс и няфцы, кода страна мархта граничендай Советский Союзсь западса?

Лиссь картать тейс белокурай оржа сельме аф оцю стирня, конань кядец аф сатни пцтай картать кучкавидезонзенок.

— Западса граничендай СССР-сь тяфтамса государства мархта: васенсесь—Финляндиясь, омбоцесь—Эстониясь, колмоцесь Латвиясь.

— Шабат, виде корхтай Грунюшкина Манясь?—кизефтезе учительница.

Шабатне вдруг жалакадсть: кона мярги виде, кона мярги аф.

— Аф виде—шовордазе эсь вескай валонц Екатерина Васильевна. —Тя картась сире и сонь эсонза точнай границать няфнемс

Коммунистический воспитания колга доклад

Аф кунара Паева велень советсь йотафтсь общей собрания, конань эса примасть участия 175 лама колхозник и колхозница. Собраниянь участниктне пях оцю мяльса кулхцонць коммунистический воспитания колга доклад.

Колхозникне и колхозницатне велисполкомть председателенц Макушкин ялгать ширде вешть, штоба сон очередной собрания организаванда доклад антирелигиознай темас.

Собраниясь йотасть пях живойста.

Н. Лобанов.

Кадошкинский район.

Англо-германский войнась

Кода пачфнихть германский сводкатне, сентябрь 2-це шистонза германский бомбардировщиконь и истребительне соединениятне тисть нападения юго-восточнай Англиясь аэродромонзон лангс. Калафтф ангратне и убежищатне, тиевсть оцю пожархт.

Веть ульсь атаквандафт Англиясь западнай и южной побережьяванза уликс портовой сооружениятне, а тяфта жа средний Англиясь военной промышленностень предприятияне и аэродромтне. Бомбардировкаса фатявсть портне — Ливерпульсь, Суэнсись, Бристольсь, Плимутсь, Портлендсь, Пульсь, Портсмутсь и Бирмингамса, Ковентриса и Филтонца военной промышленностень предприятияне. Лама вастова тиевсть вишке пожархт.

Сентябрь 3-це шинь шоблава германский самолеттне бомбардировандаз Лондонть эзда север шире ащи районть эса военной объектнень. Тя районть вельксса мошьсть воздушнай лама вишке бойхть.

Англиясь сообщениязон эса корхтави, што сентябрь 2-це шистонза лондонский пингть коряс пцтай 15 частса, неприятельский авиациясь тисть тя шиста Англиясь юго-восточнай побережьянц лангс вов ни колмоце и инь оцю налетть, конань эса примасть участия пцтай 300 бомбардировщик и истребитель.

Германский самолеттне йордасть Темзат устьясонза фкя ошень лангс бомбат и тисть кой-кодама повреждения зданиятненди. Тифтяфта жа ущерб Эссекс графстваса оштивок, жертватнень колга пока аш кодамовок сведения. Кент графстваса фкя ошса бомбаса страфтфт лама зданият. Улихть шавфт и ранендафт.

Сентябрь 3-це шистонза Лондонца ульсь объявлен воздушнай тревога. Лондонть районзон эзда фкя эса бомбатне прасть жилой куд лангс, но жертват ашельхть, сяс мес нят куттнень эзда эряйхнеся пингста ульсь убежищаса. Лондонть предметьянзонды йордафтольхть зажигательнай и фугаснай бомбат, конатнен взрывсон эзда тиевсть аф оцю пожархт.

Сентябрь 2-це шить карша веть английский бомбардировщикне йотафть широкой операцият Германиять, Италиять, Голландиять и Франциять территориясон вельксса. Бомбардировкати таргафтольхть аэродромтне, авиационнай, военной и нефтеперевозной заводтне. (ТАСС).

Ответ. редакторсь И. ЧУДАЙКИН.